

## Kolosai

<sup>1</sup> Anutuac ewa sinjiguc Kristo Yesuac Méliméli ic wawaṅa ni Paulo zéma ninzéh ninzéhac munana Timoteo

<sup>2</sup> niri Kolosai ama yandaiguc ic embac téréya Kristoac qeriaiguc keṅhéi hahéi qahac\* kecanzu onac muru kiwi yomi oénécmizic. Anutu Maṅgocnina iwarunec† ewa hia zéma luaenéh he énécmimac.

*Ewa hia ac zéma zéwelec ac.*

<sup>3</sup> Nereṅ onac niṅ wamma zéwelec waṅanzic séc neṅaṅ Miṅ Kewunina Yesu Kristoac Maṅgocya Anutu ewa hia ac ézéanzic.

<sup>4</sup> Imi mia Kristo Yesu ninzéhégé mizu imuac buṅa zéma ic embac téréya ionac muru ala sinjina hezac imuac buṅa niṅanzic imuac niṅac imuhuc waṅanzic.

<sup>5</sup> Waṅu ninzéh ninzéh zéma sinjina imi mia onac wamma kurumeṅiguc niṅkinzéh gina kumugic hezac imuacnec mia hicṅianzac. Waṅu niṅkinzéh imi suruc hélawac buṅa hiabia becneṅ niṅic imi mia.

<sup>6</sup> Buṅa suruc hiabia imi onac muru haréyu ini nimma hélacnec Anutuac ewa hia niṅtegicgic nalé imuarunec sugginaiguc hicṅiyec ésécnec baera baera sécgéma kemma hélaguc wamma yandianzac.

---

\* **1:2:** Héniá méṅ imi ninzéhégéma. † **1:2:** Kiwi méraginanéh ooya tosaraiguc; Maṅgocnina zéma Miṅ Kewu Yesu Kristo iorac.

<sup>7</sup> Imuhucyanec niniguc momacnec welen qeque icya wamma kecanzac ala sorocnina Epafiraneñ ku énécmiyu niñgic. Ic imi onac Kristoac ai ic héla wamma keczac.

<sup>8</sup> Inéñ mia Uña téréyawac qeriaiguc ala siñ wañamuanzu imuac suruc nérézéyec.

<sup>9</sup> Hénia imuac niñac onac suruc niñic nalé imuarunec éréma niri onac niñ wamma ménda waima Anutu zéwelec mianzic. Imi mia Uña téréyawac niñtegic qin̄tegic zéma niñ asac asari-awac kuhaiguc niniñ Anutuac ewa siñac murunec hahaya imi kuaya qeqeya tiénécmimac niñac zéwelec wañanzic.

<sup>10</sup> Wañu wañgic séc Miñ Kewuninanéñ niñu sécgéyu ewa hía nimmac. Wañu ai hénia hénia eeyaguc memu séc héla mihicñima Anutuac hénia niñareñgégic imuac niniña imi yandima kemmac.

<sup>11</sup> Wañu zérabéra horu horugia ségiségi wamma bisima keñkecgic tecgémac niñac iwac edamuyawac kuhanéñ kucgina moczoñ meseli énécmimac.

<sup>12</sup> Imi mia edamuyaiguc ic embac téréyawac ai buña bakia késamuac séc mehiaru énécmiyec‡ Mañgocnina iwac mia ewa hía nimmimanec imuhuc wammu.

<sup>13</sup> Inéñ mia panamañac demin̄ toton̄ qeriya igunec nénépésima eñeya nañ sorocyawac héngalen̄ ama areña yandaiguc nonoporec.

<sup>14</sup> Naña imi sawanéñ mulu menénécmiyu késpedesnina moczoñ waiwaiya wañec.

---

‡ **1:12:** Kiwi méraginanéñ ooya tosaraiguc; mehiaru nénécmiyec.

<sup>15</sup> Inén mia hémbinawac séc qahac Anutu iwac kic tanera wanzac, iwawai mén ménda zéhicñiyu kerec nalé imuaru bec walac walac hicñima kerec.

<sup>16</sup> Imi mia hénia yomuac niñac; Iwawai moczon imi iwac qeriaiguc zéyu hicñidacgic. Iwawai kurumenjiguc kekera zéma baeciguc kekera, kicnéñ hémbinac séc zéma ménda hémbinac séc, tatac edamuyaguc me hénngalen wawanawac kuc buña, galen me galeñac qac buña imi moczon iwac murunec zéma iwac buñawac zéhicñi énécmimia.

<sup>17</sup> I eneyaoc imi iwawai tosara ménda hicñima kecgicnec i bec kerecac keczac, wañu iwawai moczon imi iwac qeriaiguc qéhéréngé amuma nandarecac nanzac.

<sup>18</sup> Wañu inén zéyu hicñidarec momac yanda ionac walac walacgina kecmac niñac, hénarorñ neñañ orucnina zéma kekecac hénihénia wamma humuc ic ionac sugina igucnec walac walac qelima yarec.

<sup>19</sup> Imi mia Anutunén iwawai moczon Yesuac qeriaguc kuaya qema sécgémima kecmuac zé niñu sécgéyu imuhuc hicñidarec.

<sup>20</sup> Iwac murunec iwawai kurumenjiguc zéma baeciguc hedaczac imi moczon eneyaguc ewa momac wammu niñac Yesuac sawanén ic héngeña wéndaraiguc luae qenénécmiyec.

<sup>21</sup> Becnec ini, elicgé énécmiyu kecgic. Kecma ewa qerigina zéma wawan memeginaguc hazéra kecgic.

<sup>22</sup> Wañu deguc imi aciguc ménda emmu nén képésic solañ wamma Anutuac kiwaiguc ic embac téréyawac buña nammu niñac séwiya wai

nénécmima humuma Anutu zéma nenəŋ sucni-naiguc ewa momac mihicŋi nénécmiyec.

<sup>23</sup> Ini ninzəŋ ninzəŋiguc kumuselima keŋqe haqegina qahac kecmu. Kecma buŋa suruc hi-  
abia nindacgic imuac niŋkinzəŋ wamma imuac-  
nec ménda néŋgacma kemmu. Waŋu buŋa suruc  
hiabia imi mia zéau énécmimia waŋu, kurumen  
bawaiguc kekec yanda Anutunéŋ zéyu hicŋima  
keczu imi moczoŋ nindacgic. Waŋu Ni Paulo  
imi buŋa surucya imuac welen qeŋe ic waŋiac  
keczua.

*Pauloac welenqeŋe ai.*

<sup>24</sup> Deguc ni onac wamma qenzen manzeniguc  
kecma imuac mia ségiségi wanzua. Imuhuc  
wamma Kristoac qenzen manzen kitiwa hezac  
imi iwac héná méria wamma kekera hénáorin  
onac niŋ wamma séwinanéŋ bisiwa sécgénéznac.

<sup>25</sup> Ni imi Anutunéŋ onac niŋ wamma ai  
ara nézéyec imi tohoma Anutuac ackuazéc imi  
énézédacba sécgé énécmimac niŋac hénáorin héra  
ionac welen qeŋe ic waŋi.

<sup>26</sup> Ac saŋa imi nalé hénihénia qahac hama  
keŋec imuarunec zéma baec yomuac hicŋisaiya  
hicŋisaiya ionac murunec musaŋgyu heyec néŋ  
deguc imi ic embachéra téréya ionac muru  
énézéyu wininiyec.

<sup>27</sup> Imi mia Anutunéŋ ac musaŋ musaŋgia  
imuac edamuyanéŋ baera baera ic embac ionac  
muru dimuhuc kindindiŋa sécgé énécmizac imi  
énézéyu nimmu niŋac imuhuc waŋ énécmiyec.  
Waŋu ac musaŋ musaŋgia imi mia Kristo sugi-  
naiguc keczac inéŋ mia wanzac. Edamu asaŋa

miñina iwac mia neñañ niñkumuma kic hihi wammianziñ.

<sup>28</sup> Nini imi icya icya Kristoac qeriaiguc solañani énécmima onopocni nammu niñac iwac buñaya zésaima icya icya meme seli ac énézéma niñtegic qin̄tegic ac moczoñnec ku énécmianziñ.

<sup>29</sup> Ai imuac mia ni acguc nuac qerinaiguc kuh-aguc ai meanz̄ac iwac ai hakaya méndacma kucna moczoñnec ai meanzua.

## 2

<sup>1</sup> Ni ini zéma tosara Laodikea ama areña yandaiguc kec̄zu i zéma tosara kicginanéñ kic tanecna ménda hénzu ionac niñ wamma dimuhuc kucna qema ai mema kecanzua imi ini niñ asarimu niñac wanzua.

<sup>2</sup> Ieneñ qerigina mebélacgé énécmiyu goi héihéi imuac qeriaiguc qutulan̄gé amugic niñtegic qin̄tegic ginanéñ saima kemma zékéñ yanda wañu, Anutuac saña Kristoac hénia niñyacgému niñac wanzua.

<sup>3</sup> Iwac qeriaiguc niñtegic qin̄tegic ac zéma niniñ yanda imuhucya eebipiyagucnéñ san̄gima hezac.

<sup>4</sup> Imi mia méñnéñ méñ haléc acnéñ ménda mesoho énécmimac niñac imuhuc zézu.

<sup>5</sup> Hénia imi yomuhuc; Ni séwinanéñ wai énécmima kecanzua, néñ qeri uñananéñ iniguc kecanzua. Wañu ini téréréc dindiñanec kecma Kristo ninzén̄géma seligima nanzu zégic nimma ségiségi wañanzua.

*Kristoac qeriaiguc kekecyawac séha mihicñiwiñ.*

<sup>6</sup> Ini Kristo Yesu anğéj tigiç miñ kewugina wanzac imuac bec iwac ewa siñ méndacma kecmu.

<sup>7</sup> Kristoac qeriaiguc himic énécmiyu gété zaliginanéj késaseligima namma ackuazéc ku énécmigic sécyaguc ninzéngeña nañseligigic ewa hiawac aranéj doku éséc kuaya qesalecge énécmimac.

<sup>8</sup> Ini técgina nimma kecmu, baecac icac niñtegic qindegic ac zéma ikoc acginanéj énépésima hésa amaiguc onopocbu niñac. Ninin imuhucya imi yanda onac haka silic mératéc memeya zéma baecac pakeñ ac efefia imi méndacanzac, néj Kristo i ménda méndacanzac.

<sup>9</sup> Héña imi iwac muru imi Anutuac séha kuaya qeçeyanéj séwi héla wamma kecañzac.

<sup>10</sup> Ini acguc Kristoac qeriaiguc kecgic sécge énécmiyu méñac méñ ménda hocmu. Inéj mia galeñ zéma ai memeac çac buñaginaguc ionac orucgina wanzac.

<sup>11</sup> Iwac qeriaiguc météré énécmiawac aséya hai énécmiyec. Imi mia méranéj séwi tasé hericheric imi çahac, néj Kristoac météré aiiguc séwiginawac siñ hericdagic keñkeña wanzac.

<sup>12</sup> Ini imi iwac doku naec hakaiguc Kristoguc momacnec téngé énécmimia wañec. Wañu Anutunéj Yesu meqelimiya yarec imi ninzéngegic iwac qeriaiguc momacnec meqeli énécmimia wañec.

<sup>13</sup> Wañu késpedesgina wamma séwiginaguc séwi tasé hericheric çahac humumia kecañgic, néj Anutunéj Yesuguc meqeli énécmima késpedesgina moczoñ wai énécmiyec.

14 Wañu musuqeqe wamma hazéc wañ nécnécmianhec méra kiwi héná aciguc ooya imi moczoñ audacma mema ic héngeña wéndara qahaiguc biriñnéñ qeyu qahac wandarec.

15 Yesu imi ic héngeña wéndaraiguc humuyu imuac kuhanéñ galeñ kewuya kewuya zéma ai memeac qac buñaginaguc ionac tewi zakonçina imi mahançéyu madarec. Wañu onogicma kawali wañec imi ic embac kicginaguc mewinini énécmiyu héndacgic.

16 Imuac bec ic méñnéñ nene dokuac ara me nalé yanda me maso qeliawac hai ségiségi zéma Sabata niñac késpedes ginaguc zégic qetali énécmigic acgina qaimac.

17 Nalé imuhucya imi bian héla hamacac heyec imuac uñayanec wanzac, néñ Kristonéñ imuac héla wanzac.

18 Ikoc wamma memaamuma kua meme uña mepési mianzac imuhucyanéñ onac taségina kurumençiguc hezac imi onagicbac niñac galeñ memu. Ic imuhucya imi baec séwiac ewa siñnéñ qéfaccgé miyu emma iwawai méñ héñec imi meyandima hiñgac hiñgarawac zéanzu.

19 Imuhuc wamma orucnina keczac Yesu iwac muru ménda toroqeanzu. Wañu oruc imuacnec mia séwi tasia moczoñ toroya zéma giniñanéñ dérécgéma gumuyu Anutunéñ kuha haiyec séc, séha yandianzac.

*Pakeñ ac ikora niñac goro ac zéyec.*

20 Ini Kristoguc humuma baecac pakeñ ac hénia hénia imuac niñgic iwawai humumia wañec, néñ

némac niḡac baecac buḡa kecanzu ésécnec haka silic imi tohoanzu?

<sup>21</sup> Ménda késamu, ménda nenimmu, ménda osimu, zézéya imuhucyawac zézua.

<sup>22</sup> Ic onac zézé seli ac zéma pakeḡ ac imuhucya méndacbiḡ me? Imi qahac, iwawai imuhucya imi moczoḡ houma qahac wandacmu.

<sup>23</sup> Haka imuhucya méndacma siḡginawac mepé qepési ai mema memaamuma séwiginawac yéwéri mihicḡi amuma héḡgic, meyac énécmimacac séc niḡtegic qḡḡtegicyaguc tanec wanzac gezaḡ. Waḡu haka imuhucyanéḡ séwiac siḡa sigima kekerawac kuha mén ménda késa keczac.

### 3

#### *Kekec qelia Kristoguc kecbiḡ.*

<sup>1</sup> Imuac niḡac ini Yesuguc meqeli énécmiyu qelima kecziuguc iwawai ou heheya niḡac wamma kecmu. Imuaru mia Kristonéḡ Anutuac héiyaiguc tacma keczac.

<sup>2</sup> Baecac iwawai niḡac qahac, néḡ iwawai ou hezac imuac mia nimma kecmu.

<sup>3</sup> Héria imi yomuhuc; Ini bec humudacḡic kekecgina imi Yesuguc Anutuaru musaḡgé énécmiyu keczu.

<sup>4</sup> Waḡu kekecgina wawaḡa Yesunéḡ wininimac nalé imuaru ini acguc edamuginaguc wininima nammu.

<sup>5</sup> Imuac niḡac baeciguc kekera séwi taséginawac siḡ imi qegic humudacmac. Imi mia yomuhucya; kaiseroac haka silic, haka qakolayaguc, séwiac siḡ, biriawac siḡ niniḡ, zéma hémbaoc. Waḡu



iwawai ménac hémbaoc wawaŋa imi baniara mepési mimia tanec wanzac.

<sup>6</sup> Haka imuhucya niŋac Anutuac qeri biriac zérabéranéŋ nambérac ac qeŋeya ionac muru hicŋi énécmianzac.

<sup>7</sup> Ini acguc imuac qeriaiguc kecgic nalé imuaru imuac qeriaiguc tacyac waŋaŋgic.

<sup>8</sup> Waŋu deguc imi yonkanzaŋ, qeri biric, niŋ zapi, zézé suresure, zéma zézoraŋ ac biria, biria imuhucya moczoŋ kuagina igucnec hetecgéigic kendacmac.

<sup>9</sup> Ini ic wahala zéma imuac wawaŋa meme imi hetecgéma ic qelia héima mema keczu, imuac niŋac eŋaoc ac ikora ménda waŋamumu.

<sup>10</sup> Waŋu ic qelia imi eŋeya zéhicŋimiyec Anutu iwac hénia méndacma meqeli miyu niniŋa acguc qelia wanzac.

<sup>11</sup> Meqeli ai imuac qeriaiguc imi mén wai mén késa qahac, Girik ic me Yuda Ic, ic tuŋ séwi tasé hericheric ginaguc me ic tuŋ séwi tasé herichericgina qahac, baec ménac icya icya me haséŋ ic,\* welen qeŋe ic me miŋ kewu kekera, waŋu Kristo imi moczoŋ yanda, waŋu moczoŋ yanda ionac qeriginaiguc kecdaczac.

<sup>12</sup> Waŋu ini Anutuac gési énécmimia, ic embac héra téréya zéma wéiwécya séc kecma goi héihéi zéma ala siŋ zéma memaamuma kekec zéma gum bénzénzén zéma qeri biricgina helanzi amuma kekec imi malekugina ésécnec héigic meyu kecmu.

<sup>13</sup> Waŋu ménéŋ ménac ara zéyu eŋawu tétécgé

---

\* **3:11:** Girik aciguc; Skite ic.

amuma k p siccina waiamuma Miŋ Kewuni-  
nan n j k p siccina wai  n cmiyec  s c ini acguc  
imuhucyanec waŋamumu.

<sup>14</sup> Waŋu haka hiabia moczoŋ imuac qahaiguc  
goi h ih i haka imi toroqema wammu goi  
h ih i haka imin n j rikuj solaŋa wamma d r c g   
 n cmimac.

<sup>15</sup> Luae qeamuma kecmu niŋac unuruyu s wi  
momac wamma keczu. Imuac waigic Kristoac  
luaen n j qerigina galeŋg yu. Imuacnec toroqema  
ewa hia ac  z manec kecmu.

<sup>16</sup> Qeriginaguc Kristoac ackuaz c imin n j  
kuaya qeŋeya qesalecg   n cmima heyu, niŋtegic  
qiŋtegic moczoŋnec eŋawu kuamuma z naŋg   
amuma legic z ra z ma legic ewayagucn n j legic  
t r ya h ima qeriginan n j ewa hia nimmima  
Anutu mep simu.

<sup>17</sup> Waŋu ackuaz c ginan n j me wawaŋ memegi-  
nan n j haka m ŋac m ŋ wambin z  imi moczoŋ  
Miŋ Kewunina Yesuac qaraiguc iwac muru h ima  
namma wammu. Imuhuc wamma iwac hia niŋac  
wamma Anutu maŋgocnina ewa hia ac  z mu.

*Kristoac tohotoho ich ra ionac  
h na z  n cmimia.*

<sup>18</sup> Embac ini euh cgina onac m ra bacginaiguc  
kecmu, Miŋ Kewuninawac qeriaiguc h na imin n j  
s cya wanzac.

<sup>19</sup> Ic ini iniŋh cgina ionac goigina h imu. Waŋu  
ionac qeri howuc howuc m nda me n cmimu.

<sup>20</sup> Namb rac ini iwawai moczoŋiguc neŋgoc  
maŋgoc h cgina ionac ac niŋtoho wandacmu.

Haka iminéŋ Miŋ Kewuninawac qeriaiguc ewa hia mihicŋianzac.

<sup>21</sup> Maŋgoc ini merac hécgina qerigina ménda mebirimu qerigina kuha mawac niŋac.

<sup>22</sup> Welenŋ qeŋe ic ini iwawai moczoŋiguc baecac miŋ kewugina ionac kuagina tohomu. Ic tosara baec ic ionac qerigina mehiaruanzu séc ic onac kicgina igucnec sac qahac, néŋ kurumeŋ Miŋ Kewuninawac bac yandi yandi wamma ewa solanŋanec wammu.

<sup>23</sup> Ai imuac me imuac mewiŋ zé kurumeŋ Miŋ Kewuninawac meanziŋ séc wambiŋ, néŋ ic onac meanziŋ séc ménda wammu.

<sup>24</sup> Imi mia tasénina imi Miŋ Kewuninanéŋ mératéc nénécmiyu mewiŋac hezac imi ini nindacma welenŋ qemianzu. Waŋu welenŋ qemianzu imi Kristo, imuac niŋac haka imuhuc waŋanzŋiŋ.

<sup>25</sup> Méŋnéŋ méŋ haka biria wammac imi, haka biria imuac bakia melenŋ mimac. Miŋ kewuninanéŋ séwiginawac inicma ménda énépésianzac.

## 4

<sup>1</sup> Ic galeŋ ini imi onac muru acguc kurumeŋiguc kunenŋgina keczac imi nimma welenŋ qeŋe hécgina haka dindiŋanec zéma séc momacnec waŋ énécmimu.

### *Pakeŋ ac toroqeqeya.*

<sup>2</sup> Ini nalé séc seliseli wamma zéwelec ai mema imuac qeriaiguc ewa hia ac ézéma kicqeli kecmu.

<sup>3</sup> Waŋu nonac niŋac momacnec zéwelecma Anutunéŋ héna ac énézéwiŋ niŋac naguya aunénécmiyu Kristoac ac saŋa Anutunéŋ zéau

nénécmiyec imi zéau énécmiwiñ niñac zéwelecmu. Ni ai imuac mia señ hésanéñ qaté néngic kecañua.

<sup>4</sup> Ini Anutu imuhuc zéwelec wammigic neñ ac saña imi zémañac hezac séc zéau énécmimañ.

<sup>5</sup> Ini niñtegic qinñtegic ginaguc tacyac wammu. Imuhuc wamma séñgañgeñ ic ionac imi nalé eñ ménda aumu.

<sup>6</sup> Acgina imi nalé séc seinéñ naecmima siña mehiaruanzu ésécnec goi héihéiiguc wammu. Imuhuc wamma ic méñac méñ, ac taséya dimuhuc meleñmigic hia wammac imi niñasarimu.

*Mozoc ac.*

<sup>7</sup> Tikikonéñ nenac ac suruc imi wañ énécmiyu nindacmu. Ic imi nuac ala sorocna zéma ai ic solaña inéñ Miñ Kewuninawac qeriaiguc nekawu welenj qeçe ic wamma kecziç.

<sup>8</sup> Ic imi nonac qerininawac hénia zéasarima ewa qerigina mebélacgé énécmimac niñac ai imuac mia méliwa onac muru hazac.

<sup>9</sup> Wañu ai ic héra ala sorocnina Onesimo imi momacnec méli érécmizua. Ic imi onac murunec hayec. Wañu iereñ imi yomuac ac suruc imi moczoñ wañ énécmidacmaoc.

<sup>10</sup> Wañu niguc momacnec hésa ic noropocgic kekerá Aristako zéma Banaba newura Maka (Mareko yomuac biañac ara zéwa ninzu imuac ic yomi hamaciguc hérémimu.) zéma

<sup>11</sup> Yesu Yusito zémimia ieneñ acguc yaizézé ac énézézú. Ieneñ ic tuñ séwi tasé hericheric ginaguc ionac murunec, wañu ai momac hécna wanzu.

Ienen sac Anutuac héngalen ama arenja yandawac momacnec ai meanzu imuac ic imuhucya enen imi ewana mehiaru néngic.

<sup>12</sup> Ic mén onac murunec hahaya Kristo Yesuac welen qeqe ic Epafira inén acguc yaizézé ac énézézac. Inén nalé séc onac wamma zéwelecmima ini Anutuac ewa sinjiguc solanjanima selianec ninzénngéma nammu ninjac zéwelecanzac.

<sup>13</sup> Ni ic imuac héipuc ac zéwa ningic. Ic imi onac zéma ic embac Laodikea baeciguc keczu ionac zéma ic embac Hierapolia ama arenja yandaiguc keczu ionac nin wamma ai kunen yanda meanzac.

<sup>14</sup> Ala sorocnina dokta Luka zéma Dema acguc yaizézé ac énézézaoc.

<sup>15</sup> Dacmuna hécna Laodikea ama arenja yanda igucnec zéma ninzén ninzén naujnina Numfa zéma iwac amaiguc henaorin tocgéanzu ionac nuac yaizézé acna énézégic nimmu.

<sup>16</sup> Kiwi yomi suginaiguc olongic tecgéyu Laodikea henaorin énézégic olommu wanu kiwi mén Laodikea igucnec hamac imi ini imuhucnec olojnimmu.

<sup>17</sup> Wanu Akipoac mia miñ kewuninawac qeriaiguc ai buña qemiyu késayec imi meyacgéna zéma ézému.

<sup>18</sup> Ni Paolo mérananén oma yaizézé ac énézézua. Ni sen hésanéñ qaténéngic kecanzua imi ninqelima kecgc. Anutuac ewa hianén onac muru hemac.

**SISIPAC AC QELIA**  
**The New Testament and Psalms in the Kube Language**  
**of Papua New Guinea**  
**Buk Song na Nupela Testamen long tokples Kube long**  
**Niugini**

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

---

PDF generated using Haiola and XeLaTeX on 18 Apr 2025 from source files dated 31 Aug 2023

0403b50f-078d-52e2-a203-056e8a430665